

ZOI'84
Olimpijski centar
Sarajevo



ZOI'84
Olympic Centre
Sarajevo

Datum: 30.04.2026.godine
Broj: 1158-4-1/26

Na osnovu člana 38. Statuta KJP "ZOI'84" OCS d.o.o. Sarajevo, na 8. elektronskoj sjednici održanoj 30.04.2026. godine, Nadzorni odbor donosi:

ODLUKU

o usvajanju Pravilnika o zaštiti od požara KJP „ZOI 84“ OCS d.o.o. Sarajevo

Član 1.

(1) Ovom Odlukom usvaja se Pravilnik o zaštiti od požara KJP „ZOI 84“ OCS d.o.o. Sarajevo broj 1158-4/26.

(2) Sastavni dio ove Odluke čini Pravilnik o zaštiti od požara KJP „ZOI 84“ OCS d.o.o. Sarajevo iz stava (1).

Član 2.

Ova Odluka stupa na snagu danom donošenja.



Predsjednik Nadzornog odbora
Damir Maglajlić

Kantonalno javno preduzeće, ZOI'84
Olimpijski centar Sarajevo d.o.o
ID broj: 4200347000004
UINO broj: 200347000004
Rješenje broj: UF/I-431/04 od 15.12.2006
www.zoi84.ba

Adresa: Alipašina b.b
Sarajevo 71000
Bosna i Hercegovina
+387 (0) 33 212-018
+387 (0) 33 212-035
Faks: +387 (0) 33 212-027

Račun: 102 050 0000095931
Union banka d.d
BiH 71000 Sarajevo

KJP «ZOI '84 - OLIMPIJSKI CENTAR SARAJEVO» d.o.o. S A R A J E V O



**PRAVILNIK
ZAŠTITE OD POŽARA**

Sarajevo, april 2026. godine

A handwritten signature or mark, possibly a stylized letter 'Z' or a similar symbol, located in the bottom right corner of the page.

Na osnovu člana 24. stav 1. Zakona o zaštiti od požara i vatrogastvu ("Službene novine FBiH" br. 64/09), te na osnovu članova 17. i 18. Zakona o javnim preduzećima u Federaciji BiH ("Službene novine Federacije BiH" br. 8/05, 81/08, 22/09 i 109/12) i člana 38. Statuta KJP „ZOI'84“ OCS d.o.o Sarajevo, Nadzorni odbor preduzeća dana 30.04. 2026. godine, donio je :

PRAVILNIK O ZAŠTITI OD POŽARA U KJP „ZOI'84“ OCS d.o.o Sarajevo

I OPĆE ODREDBE

Član 1.

(Predmet pravilnika)

- (1) Pravilnikom o zaštiti od požara u KJP „ZOI'84“ OCS d.o.o. (u daljem tekstu: Pravilnik) uređuje pitanja koja se odnose na organizaciju i funkcionisanje zaštite od požara u poslovnim objektima i prostorima KJP „ZOI'84“ OCS d.o.o. Sarajevo. Uređuju se osnovna prava i obaveze, kao i odgovornosti direktora, odgovornog lica koje je zaduženo za provođenje mjera zaštite od požara i svih uposlenika u vezi sa sprečavanjem izbijanja požara, otklanjanja opasnosti od požara i spašavanjem ljudi i materijalnih dobara u KJP „ZOI'84“ OCS d.o.o. (u daljem tekstu „ZOI'84“). Direktor može ovlastiti pravno lice registrirano za obavljanje poslova iz oblasti zaštite od požara koje ima odgovarajuće stručne kadrove i opremu i sredstva za vršenje tih poslova, koje će se za njihove potrebe provoditi mjere zaštite od požara, što se vrši zaključivanjem ugovora sa tim pravnim licem.
- (2) Pravilnik posebno uređuje
 - a. Način organizovanja i ostvarivanja zaštite od požara;
 - b. Mjere za provođenje i unaprijeđenje zaštite od požara;
 - c. Način upoznavanja radnika sa opasnostima od požara na radnom mjestu , prilikom prijema i raspoređivanja tih lica na radno mjesto, kao i prilikom premještanja sa jednog na drugo radno mjesto;
 - d. Dužnosti i odgovornosti svih radnika u provođenju propisanih mjera zaštite od požara;
 - e. Obavezu i način stručnog osposobljavanja radnika, za provođenje mjera zaštite od požara na radnim mjestima, kao i izradu posebnih radnih uputstava za radnike koji su raspoređeni na radna mjesta za koja se, zbog postojanja povećane opasnosti od požara , moraju predvidjeti posebne mjere zaštite od požara;
 - f. Zaposleno lice koje će biti zaduženo da se stara o provođenju propisanih mjera zaštite od požara;
 - g. Sadržaj i način donošenja plana zaštite od požara i način provođenja tog plana;
 - h. Način vršenja interne kontrole provođenja predviđenih mjera zaštite od požara;
 - i. Mjesto i prostore i kojima mora biti zabrana proizvodnje, korištenje i prenošenje otvorenog plamena i vatre;
 - j. Dužnosti i način ponašanja radnika u slučaju pojave požara;

- k. Disciplinsku odgovornost radnika zbog ne pridržavanja propisanih mjera zaštite od požara;

Član 2.
(Pojam)

Zaštita od požara obuhvata skup mjera i radnji upravne, organizacijske, stručne, tehničke, obrazovne prirode, koji se poduzimaju u cilju sprečavanja, izbijanja i širenje požara, njegovog otkrivanja, te zaštite ljudi, biljnog i životinjskog svijeta, materijalnih, kulturnih i drugih dobara i okoliša (u daljem tekstu: materijalna dobra).

II TEHNIČKI DIO

1. ORGANIZACIJA I OSTVARIVANJE ZAŠTITE OD POŽARA

Član 3.
(Organizovanje i provođenje)

- (1) Zaštita od požara se organizuje i provodi u svim poslovnim objektima i prostorijama, te na svim prostorima koji se nalaze uz objekte, a koji prema procjeni ugroženosti od požara mogu biti izloženi opasnosti od izbijanja i širenja požara.
- (2) Poslovni objekti i prostorije iz stava (1) koje koristi KJP „ZOI'84“ OCS d.o.o. Sarajevo obuhvataju: Poslovnu zgradu u ulici Branilaca Sarajeva br. 21, Ski centar na lokaciji Bjelašnica - Babin Do, kao i objekte na lokaciji Igman - Malo Polje.
- (3) Za organizovanje, sprovođenje i unapređenje zaštite od požara u KJP „ZOI'84“ OCS d.o.o. Sarajevo, za njegovo uspješno funkcionisanje i za kontrolu utvrđenih , propisanih i naloženih mjera zaštite od požara, odgovorni su svako u svom djelokrugu rada:
 - direktor;
 - odgovorno lice za poslove zaštite od požara;
 - rukovodioci službi.

2. MJERE ZA SPROVOĐENJE I UNAPRIJEĐENJE ZAŠTITE OD POŽARA

Član 4.
(Mjere zaštite)

Na svim objektima KJP ZOI'84“ OCS d.o.o. Sarajevo provode se mjere zaštite od požara i posebne mjere na određenim građevinama i prostorima i u skladu sa ovim pravilnikom.

Član 5.
(Opće mjere zaštite od požara)

Opće mjere zaštite od požara su:

- Odabir lokacije i dispozicije građevine, kao i izbor materijala, uređaja, instalacija i konstrukcija kojim će se spriječiti ili u najmanju mjeru svesti mogućnost izbijanja i širenja požara;
- Osiguranje prilaznih puteva i prolaza za vatrogasna vozila i tehniku;
- Osiguranje ili izgradnja požarnih stepeništa i pomoćnih izlaza;
- Osiguranje potrebnih količina vode i drugih sredstava za gašenje požara;
- Zabrana upotrebe otvorenog plamena i drugih izvora paljenja na mjestima i prostorima gdje bi zbog toga moglo doći do požara;
- Redovno održavanje uređaja kojima se osigurava sigurnost protiv požara;
- Održavanje i kontrola ispravnosti uređaja i instalacija čija neispravnost može uticati na nastanak i širenje požara;
- Obuka i osposobljavanje svih radnika u praktičnoj upotrebi aparata za gašenje početnog požara, kao i drugih priručnih sredstava i opreme za gašenje požara.

Uređaji i instalacije

Član 6.
(Postavljanje i održavanje uređaja)

Električne, ventilacione, gasne toplovodne, gromobranske i druge instalacije i uređaji, kao i dimovodi postavljaju se, odnosno izvode, koriste i održavaju prema propisanim tehničkim normativima i obaveznim standardima, kao i uputstvima proizvođača.

Član 7.
(Grijanje i instalacije)

(1) Objekti KJP „ZOI'84“ OCS d.o.o. Sarajevo Kompleks dvorana Zetra „Juan Antonio Samaranch“ zagrijavaju se pomoću radijatora odnosno sistema centralnog grijanja na bazi prirodnog gasa. Sistem zagrijavanja Poslovne zgrade u ulici Branilaca Sarajeva br. 21 baziran je na centralnom postrojenju koji kao pogonski energent koristi lož ulje (LUEL). Na lokaciji Bjelašnica (Babin Do) koristi se električna energija i prirodni gas putem adekvatnih priključnih instalacija. Restoran Beneton koristi plinska trošila (peć) u tehnološkom procesu, dok se za ostale upotrebe koristi električna energija. Na lokaciji Igman (Malo Polje) zagrijavanje objekta i rad uređaja vrši se isključivo upotrebom električne energije putem standardizovanih konvektora i unutrašnjih instalacija.

- (2) Prije početka grejne sezone, kotao i pripadajuću instalaciju odgovorni stručni radnik će pregledati i pripremiti za kontinuirani rad tokom grejne sezone.
- (3) Svaki radnik u svojoj radnoj prostoriji, poslije završenog rada i prije napuštanja objekta i prostorije dužan je isključiti sve električne aparate.

Član 8.

(Električni uređaji i instalacije)

- (1) U objektima i radnim prostorijama KJP „ZOI'84“ OCS d.o.o. Sarajevo dozvoljena je upotreba samo onih električnih uređaja i instalacija po svojim tehničkim karakteristikama odgovaraju tehničkim propisima.
- (2) Električni uređaji i instalacije moraju biti tako izvedeni i zaštićeni uslijed djelovanja pogonskih uslova (vlaga, prašina, zapaljive pare i gasovi, mehanička oštećenja, toplotni i hemijski uticaji itd.), ne bude ugrožena sigurnost ljudi, objekta i predmeta rada.

Član 9.

(Kontrola ispravnosti električnih uređaja i instalacija)

- (1) Obavezno je redovno i u propisnim rokovima (prema tehničkim propisima) vršiti kontrolu ispravnosti i odgovarajuća ispitivanja električnih uređaja i instalacija, te preduzimati mjere na otklanjanju uočenih nedostataka.
- (2) Izvršenoj kontroli, mjerenjima i opravkama mora se voditi odgovarajuća evidencija.
- (3) Popravke i druge radove na električnim instalacijama mogu vršiti samo stručna lica, stručni radnici KJP „ZOI'84“ OCS d.o.o., odnosno treće stručno ovlašteno lice.

Član 10.

(Razvodni električni ormari)

- (1) Razvodne baterije i ormari moraju imati prekidač na glavnom dovodu električne energije.
- (2) Sva oprema u razvodnim baterijama i ormarima mora biti označena prema jednopolnoj shemi koja se mora nalaziti u ovim razvodima.
- (3) Osigurači u razvodnim ormarima ne smiju se kopirati i premoštavati, a bimetali moraju biti podešeni na normalnu struju motora.

Član 11.

(Gromobranske instalacije)

- (1) Objekti “KJP ZOI'84“ OCS d.o.o. Sarajevo moraju biti obezbjeđeni sa odgovarajućim gromobranskim instalacijama u skladu sa odredbama tehničkih propisa sa gromobranima.

- (2) Obaveza je periodična kontrola ispravnosti gromobranskih instalacija i uzemljenja, te otklanjanje uočenih nedostataka, u skladu sa tehničkim propisima.
- (3) Za gromobranske instalacije mora se voditi i čuvati odgovarajuća tehnička dokumentacija i evidencija.

Član 12.
(Požarni i prilazni putevi)

- (1) Požarni putevi moraju neprekidno biti slobodni i prohodni cijelom svojom širinom.
- (2) Svi prilazni putevi do objekta, kao i unutrašnje komunikacije u objektima (hodnici, stepeništa, vrata itd.) moraju uvijek biti slobodni i prohodni cijelom svojom širinom.
- (3) U svim objektima KJP „ZOI'84“ OCS d.o.o. Sarajevo moraju se obezbijediti odgovarajući prilazi do izlaznih vrata, hidranata, protivpožarnih aparata i glavnih razvodnih ormarima.
- (4) U svim radnim prostorijama, kao i u prostorijama u kojima borave korisnici usluga KJP „ZOI'84“ OCS d.o.o. Sarajevo moraju uvijek biti slobodni i prohodni svi unutrašnji prilazi i prolazi, tako da je uvijek moguće prići i nesmetano koristiti sva vrata, razvodne baterije električne energije, protivpožarne aparate, krila prozora koja se otvaraju i druge uređaje i instalacije.

Prilazni putevi i prolazi

Član 13.
(Požarni i prilazni putevi)

- (1) Požarni putevi moraju neprekidno biti slobodni i prohodni cijelom svojom širinom.
- (2) Svi prilazni putevi do objekta, kao i unutrašnje komunikacije u objektima (hodnici, stepeništa, vrata itd.) moraju biti slobodni i prohodni cijelom svojom širinom.
- (3) U svim objektima KJP „ZOI'84“ OCS d.o.o. moraju se obezbijediti odgovarajući prilazi do izlaznih vrata, hidranata, protivpožarnih aparata i glavnih razvodnih ormara.
- (4) U svim radnim prostorijama, kao i u prostorijama u kojima borave korisnici usluga KJP „ZOI'84“ OCS d.o.o. Sarajevo moraju uvijek biti slobodni i prohodni svi unutrašnji prilazi i prolazi, tako da je uvijek moguće prići i nesmetano koristiti sva vrata, razvodne baterije električne energije, protivpožarne aparate, krila prozora koja se otvaraju i druge uređaje i instalacije.

Oprema i sredstva za gašenje požara, raspored opreme i sredstava kao i vrijeme redovnog ispitivanja njihove ispravnosti

Član 14.
(Osiguranje potrebnih količina vode i drugih sredstava za gašenje požara)

- (1) Objekti KJP „ZOI'84“ OCS d.o.o. Sarajevo moraju biti obezbijedeni dovoljnim količinama vode i drugim sredstvima za gašenje požara i dovoljnim brojem odgovarajućih uređaja i opreme i aparata za gašenje požara.
- (2) Količina i vrsta opreme i sredstava za gašenje požara, te njihov raspored u objektima KJP „ZOI'84“ OCS d.o.o. Sarajevo utvrđuje se Procjenom ugroženosti od požara i Planom zaštite od požara, u skladu sa važećim pravnim propisima kojima se uređuje ova oblast.

Član 15.

(Ispravnost opreme)

- (1) Sva predviđena i instalirana oprema, kao i sredstva za gašenje požara moraju se uvijek nalaziti u ispravnom i funkcionalnom stanju, smještena i raspoređena na predviđena mjesta, propisno označena i obezbijedena od oštećenja, nenamjenske upotrebe i smrzavanja u zimskom periodu.
- (2) Redovan pregled opreme i sredstava vrši Odgovorno lice za poslove zaštite od požara.

Član 16.

(Periodični pregledi i kontrola)

- (1) Periodični pregledi i kontrola ispravnosti i funkcionalnosti opreme i sredstava za gašenje požara vrši se jednom u šest mjeseci, a prema uputstvima proizvođača. Važećim standardima, tehničkim propisima.
- (2) O kontroli iz stava (1) ovog člana obavezno se vodi odgovarajuća evidencija.

Član 17.

(Predmet periodičnih pregleda i kontrole)

- (1) Kontrola ispravnosti i funkcionalnosti podliježe sljedeća oprema koja je u funkciji zaštite od požara:
 - ručni vatrogasni aparati,
 - vanjska i unutrašnja hidrantska mreža sa svojim hidrantima i opremom.
- (2) Kontrola iz stava (1) ovog člana obavezno se povjerava stručnim organizacijama koje su ovlaštene i osposobljene za vršenje ovih poslova.

Član 18.
(Održavanje opreme)

KJP „ZOI'84“ OCS d.o.o. Sarajevo dužan je održavati u ispravnom stanju postrojenja, uređaje, električne, gasne, ventilacijske i druge instalacije, dimnjake i ložišta koji mogu prouzrokovati nastajanje i širenje požara, u skladu sa tehničkim normativima i uputstvima proizvođača, koji se odnose na ta pitanja o čemu se mora voditi evidencija i posjedovati odgovarajuća dokumentacija.

3. NAČIN UPOZNAVANJA RADNIKA SA OPASNOSTIMA OD POŽARA NA RADNOM MJESTU, PRILIKOM PRIJEMA I RASPOREĐIVANJA TIH LICA NA RADNO MJESTO, KAO I PRILIKOM PREMJEŠTANJA NA DRUGO RADNO MJESTO

Član 19.
(Obaveza KJP ZOI'84“ OCS d.o.o. Sarajevo)

KJP ZOI'84“ OCS d.o.o. Sarajevo dužan je obezbijediti da svaki radnik bude upoznat sa opasnostima od požara vezano za poslove i radne zadatke na koje je raspoređen, kao i opremom, uređajima i sredstvima za gašenje požara, praktičnom upotrebom aparata i drugih uređaja za gašenje požara i sa odgovornošću uslijed ne pridržavanja propisanih mjera zaštite od požara.

Član 20.
(Upoznavanje i obuka radnika sa opasnostima od požara)

(1) Upoznavanje i obuka radnika KJP „ZOI'84“ OCS d.o.o. Sarajevo iz člana 20. Pravilnika obavezno se vrši:

- Pri zasnivanju radnog odnosa, a prije raspoređivanja radnika na poslove i radne zadatke;
- Pri raspoređivanju radnika na druge poslove i radne zadatke, a prije početka rada na tim poslovima;
- Kod izmjene uslova rada i uvođenja novih tehnologija;
- Kod prijema na praksu i pri stručnoj obuci studenata i učenika, kada postoji potreba za tim.

4. DUŽNOSTI I ODGOVORNOSTI SVIH ZAPOSLENIH LICA U PROVOĐENJU PROPISANIH MJERA ZAŠTITE OD POŽARA

Član 21.
(Obaveza radnika na provođenju općih mjera)

Svaki radnik KJP „ZOI'84“ OCS d.o.o. je dužan i obavezan da svoje poslove i radne zadatke obavlja stručno i savjesno kako se izbjegla svaka opasnost za nastanak i širenje požara i svaka havarija i nezgoda, kao i da provodi sljedeće opće mjere:

- Da svoje poslove i radne zadatke obavlja prema tehničkim i drugim uputstvima, izbjegavajući svaku improvizaciju i neproverene postupke koji mogu dovesti do požara i druge nezgode;
- Obavezno je svakodnevno čišćenje radnog prostora, uklanjanje raznih otpadaka i smeća izvan objekata KJP „ZOI'84“ OCS d.o.o.;
- O svim uočenim kvarovima na opremi, uređajima i instalacijama treba odmah obavijestiti neposrednog rukovodioca;
- Zabranjeno je nestručnim licima vršiti bilo kakve intervencije i popravke mašina, uređaja i instalacija;
- Niko od radnika ne smije blokirati rad sigurnosnih uređaja i alarmnih uređaja;
- U radnim prostorijama je zabranjeno držati i gomilati prekomjerne zalihe materijala;
- Posude sa zapaljivim tečnostima i boce tehničkih gasova smiju se držati i uskladištiti samo u propisnim prostorima;
- Svi ključevi od objekta i prostorija, glavnih razvoda električne energije moraju biti označeni sa natpisom, a iste obavezno držati u odgovarajućim i zvanično određenom mjestu;
- Zabranjena je upotreba otvorenih električnih grijalica, rešoa i sl.;
- Udaljenost uskladištenog materijala od izlaza, hidranata elektro razvoda i vatrogasnih aparata ne smije biti manja od 1 m, a od zidova 0,5 m;
- Kontejneri za smeće moraju biti udaljeni od objekata najmanje 6 m, a isti se moraju redovno prazniti;
- Za vrijeme rada sva izlazna vrata u stubištima i drugim objektima ne smiju biti zaključana;
- Zabranjeno je u blizini objekta vršiti spaljivanje otpadaka i loženje otvorene vatre.
- U prostorije nije dozvoljeno unošenje i uživanje alkoholnih pića i drugih opojnih sredstava, niti je dozvoljen ulaz lica pod dejstvom alkohola.

Član 22.

(Posebne obaveze, prava i odgovornosti radnika iz oblasti zaštite od požara)

Pored općih mjera, svaki radnik KJP „ZOI'84“ OCS d.o.o. Sarajevo ima posebne obaveze, prava i odgovornosti iz oblasti zaštite od požara:

- Obavezan je da se pridržava svih uputstava, pravila, propisa i mjera zaštite od požara;
- Dužan je i ima pravo prije raspoređivanja na poslove i radne zadatke bude upoznat sa svim požarnim opasnostima, mjerama zaštite od požara, praktičnoj upotrebi sredstava i opreme za gašenje požara, materijalnom i drugom odgovornošću zbog ne pridržavanja propisanih mjera zaštite od požara;
- Dužan je da usavršava svoja znanja iz oblasti zaštite od požara, da ima pravo da predlaže mjere za poboljšanje i unaprijeđenje sistema zaštite od požara kroz sistem obavezne obuke;
- Obavezan je da upozorava svoje radne kolege na propuste, iz domena iz zaštite od požara, te da o tim propustima izvještava neposrednog rukovodioca;

- Dužan je da neposrednom rukovodiocu ili odgovornom licu odmah prijavi svaki uočeni kvar ili sumnjivu pojavu u procesu rada koja ože imati posljedicu pojavu požara i njegovu širenje;
- Obavezan je da vizuelno svakodnevno kontroliše ispravnost opreme, aparata i sredstava za gašenje požara, te da svaki uočeni kvar ili nedostatak odmah prijavi neposrednom rukovodiocu;
- Dužan je da odmah pristupi gašenju uočenog požara sa svim raspoloživim sredstvima;
- Dužan je prije početka rada provjeriti ispravnost sredstava rada, te da po završetku rada, a prije napuštanja radne prostorije poduzima sve propisane mjere da se spriječi nekontrolisano izbijanje požara;
- Dužan je raditi duže od radnog vremena u slučajevima kada je neophodno spriječiti izbijanje požara i drugih havarija;
- Ima pravo da odbije da raditi određene poslove ako ocijeni da prijeti neposredna opasnost za njegovo zdravlje i život od požara i eksplozije;
- Ima pravo zahtijevati da se u sklopu odvijanja procesa rada na vidno mjesto istaknu odgovarajuća uputstva i upozorenja na opasnost od požara i eksplozije.

Član 23.

(Radna mjesta sa posebnim ovlaštenjima i odgovornostima)

Direktor KJP „ZOI'84“ OCS d.o.o. Sarajevo ima sljedeće zadatke, prava i odgovornosti u oblasti zaštite od požara:

- Odgovoran je za organizovanje i obezbjeđenje uslova za sprovođenje zaštite od požara, te blagovremeno donošenje odgovarajućih Pravilnika, planova, i drugih akata iz oblasti zaštite od požara;
- Obustavlja rad ako prijeti neposredna opasnost od požara i eksplozije;
- U slučaju izbijanja požara naređuje mobilizaciju svih radnika, materijalno tehničke opreme radi uspješnog gašenja požara, te saraduje sa rukovodiocem akcije gašenja požara;
- Traži pomoć od drugih organizacija i organa u slučaju požara;
- Ima pravo udaljavati radnike sa radnog mjesta ako je zatečen da vrši povredu radne obaveze iz oblasti zaštite od požara, te je obavezan pokrenuti disciplinski postupak protiv radnika;
- Dužan je preduzeti sve neophodne mjere za otklanjanje neposrednih opasnosti od požara i eksplozije, bilo da su ih sami uočili bilo da su na njih upozoreni od drugih radnika;
- Ima pravo i obavezu rasporediti pojedine radnike na druge poslove i zadatke u cilju otklanjanja neposredne opasnosti od požara i eksplozije, te narediti pojedinim radnicima da rade duže od radnog vremena sve dok se ta opasnost ne otkloni.

Član 24.

(Pravilo sprovođenja mjera zaštite od požara)

- (1) Za pravilno, stalno i sistemsko sprovođenje mjera zaštite od požara odgovorni su svi radnici KJP „ZOI'84“ OCS d.o.o. Sarajevo.
- (2) Radnici koji se ne pridržavaju propisanih mjera zaštite od požara, uputstava i naloga po pitanju zaštite od požara čine povredu radne obaveze.

5. OBAVEZA I NAČIN STRUČNOG OSPOSOBLJAVANJA RADNIKA

Član 25.

(Obavezna obuka radnika)

- (1) KJP „ZOI'84“ OCS d.o.o. je dužan da najmanje jednom u dvije godine organizuje i izvrši obuku i provjeru svakog radnika u poznavanju opasnosti od požara, mjerama i sredstvima za gašenje, rukovanju sa protupožarnima aparatima, opremom, uređajima i sredstvima za gašenje požara i odgovornosti zbog ne pridržavanja propisanih mjera zaštite;
- (2) Obuku i provjeru znanja iz oblasti zaštite od požara vrši ovlaštena organizacija;
- (3) O obuci i provjeri znanja radnika obavezno se vodi odgovarajuća evidencija od strane odgovornog lica za poslove zaštite od požara;
- (4) Svi radnici su dužni pristupiti obuci i provjeri znanja, u suprotnom čine povredu radne obaveze i podliježu disciplinskoj odgovornosti.

6. ZAPOSLENO LICE KOJE ĆE BITI ZADUŽENO DA SE STARA O PROVOĐENJU MJERA ZAŠTITE OD POŽARA UTVRĐENIH OVIM OPĆIM AKTOM

Član 26.

(Određivanje radnika za zaštitu od požara)

- (1) Radnik koji rade na poslovima i zadacima radnog mjesta – Saradnik za zaštitu od požara i zaštitu na radu će se starati za provođenje mjera zaštite od požara.
- (2) Direktor će posebnim Rješenjem imenovati odgovorno lice za obavljanje poslova zaštite od požara, koje pored općih uslova treba ispunjavati i posebne uslove i to da ima najmanje srednju stručnu spremu, po pravilu tehničkog smjera i položen ispit za protivpožarnu zaštitu kod nadležnog organa.

Član 27.

(Prava, dužnosti i odgovornosti odgovornog lica za poslove zaštite od požara)

Djelokrug rada, prava, dužnosti i odgovornosti odgovornog lica za poslove zaštite od požara:

- Organizacija i kontrola sprovođenja mjera zaštite od požara;
- Poznavanje organizacije rada, procesa rada i svih mogućih opasnosti od požara i eksplozije, te mjera za otklanjanje tih opasnosti;
- Poznavanje, praćenje i primjena u praksi zakonskih i tehničkih propisa iz oblasti zaštite od požara;
- Poznavanje i primjena općih i drugih akata;
- Da izučava i analizira požarne opasnosti u svim objektima te predlaže i neposredno poduzima mjere za njihovo otklanjanje;
- Po potrebi vrši preglede svih objekata, prostorija, prostora, uređaja i instalacija sa ciljem uočavanja izvora opasnosti, kontrole sprovođenja mjera zaštite od požara, te vodi evidenciju o tome;
- Organizuje i sprovodi obučavanje i upoznavanje radnika sa opasnostima i mjerama zaštite od požara i praktičnoj upotrebi aparata, uređaja i sredstava za gašenje požara, posebno se stara o dopunskom obrazovanju radnika koji rukuju sa zapaljivim tečnostima i tehničkim plinovima;
- Izrađuje i učestvuje u izradi i realizaciji pravilnika, program obučavanja radnika, raznih elaborata, uspostava i drugih materijala iz oblasti zaštite od požara;
- Najmanje jednom godišnje, a po potrebi i češće podnosi izvještaj direktoru;
- Brine se o bezbjednosti potrebnih sredstava i opreme za gašenje požara, kontroliše ispravnost svih vrsta opreme, instalacija, aparata i sredstava za gašenje požara, te poduzima mjere za održavanje stalne ispravnosti i funkcionalnosti istih;
- Učestvuje u izradi uputstava za siguran rad po osnovu zaštite od požara u pojedinim prostorijama (magacin, arhiva, kotlovnica, tavanski, podrumski prostori i sl.);
- Predlaže direktoru i drugim rukovodnim radnicima obustavu rada u pojedinim prostorijama ako prijete neposredna opasnost za izbijanje požara i ugrožavanje života i zdravlja radnika;
- Predlaže pokretanje postupka protiv pojedinih radnika zbog ne pridržavanja mjera zaštite od požara;
- Saraduje sa inspeksijskim organima iz oblasti zaštite od požara i organizuje sprovođenje mjera koji su ovi organi naložili svojim rješenjima;
- Saraduje sa stručnim organizacijama iz oblasti zaštite od požara u cilju unaprijeđenja zaštite od požara;
- Radi i druge poslove koje su po prirodi u njegovoj nadležnosti, a u vezi sa zaštitom od požara.

Član 28.

(Neovisnost u radu)

U cilju što efikasnijeg i koordiniranog provođenja mjera zaštite od požara i unaprijeđenja zaštite od požara, odgovorno lice za poslove zaštite od požara je samostalno u svom radu i dužno je saradivati sa svim službama KJP „ZOI'84“ OCS d.o.o. Sarajevo.

Član 29.

(Saradnja sa ovlaštenim organizacijama)

- (1) Odgovorno lice zaštite od požara dužno je saradivati sa svim ovlaštenim organizacijama i drugim pravilnicima iz oblasti zaštite od požara, a naročito sa:
 - Nadležnim inspekcijskim i drugim organima;
 - Vatrogasnom jedinicom;
 - Stručnim organizacijama koje se bave zaštitom od požara;
- (2) Saradnja sa ovlaštenim organizacijama i pravnim licima ostvarivat će se kroz lične kontakte i konsultacije, prisustvovanje stručnim seminarima, traženje stručnih savjeta i objašnjenja, planiranje izvođenja praktičnih i vatrogasnih vježbi u krugu objekta KJP „ZOI'84“ OCS d.o.o. Sarajevo, obavljanje stručnih pregleda objekata i tehničke dokumentacije, izradu plana, programa i drugih projekata zaštite od požara i sl.

7. SADRŽAJ I NAČIN PODNOŠENJA PLANA ZAŠTITE OD POŽARA I NAČIN PROVOĐENJA TOG PLANA

Član 30.

(Obaveza donošenja)

KJP „ZOI'84“ OCS d.o.o. Sarajevo je u skladu sa važećim pravnim propisima kojima se uređuje predmetna oblast dužan izraditi i donijeti Procjenu ugroženosti od požara, Plan zaštite od požara i Plan evakuacije.

Član 31.

(Sadržaj Plana zaštite od požara)

Plan zaštite od požara treba da obuhvata, naročito sljedeće:

- Naziv mjesta, te način primanja dojave požara;
- Obaveze u postupanju, komandovanju i ovlaštenja učesnika u primanju obavijesti o požaru u postupanju, komandovanju i ovlaštenja učesnika u primanju obavijesti o požaru i daljnjim aktivnostima akcije gašenja;
- Obavještenja o požaru i daljnjoj organizaciji akcije gašenja požara;
- Način uključivanja službe za pružanje prve pomoći;
- Brojno stanje vlastitih jedinica za gašenje početnog požara, te cjelokupna organizacija gašenja kada se u akciju gašenja uključuju profesionalne i dobrovoljne vatrogasne jedinice;
- Organizacija i način pozivanja i uključivanja distributera energenata (struja, gas i dr.) na intervenciju;

- Nazive građevina ili postrojenja na kojima će se eventualno gasiti požar uz prisustvo odgovornog ili stručnog lica u toj građevini zbog specifičnosti tehnološkog postupka;
- Nazive građevina ili postrojenja u kojima se može očekivati eksplozija u požaru;
- Nazive građevina ili postrojenja u kojima se nalaze izvori radioaktivnih i drugih opasnih i otrovnih materija, te postupci koji se poduzimaju u slučaju požara;
- Nazive radnih mjesta i lokacije na kojima su smješteni ključevi od prostora ili prostorija u kojima se nalaze mjesta za prekid dovoda energenata u građevinu;
- Razrađen radio i telefonski sistem za pozivanje svih učesnika koji učestvuju u gašenju požara.

8. NAČIN VRŠENJA UNUTRAŠNJE KONTROLE PROVOĐENJA PREDVIĐENIH MJERA ZAŠTITE OD POŽARA I NAČIN VOĐENJA EVIDENCIJE O PROVOĐENJU PROPISANIH MJERA ZAŠTITE OD POŽARA

Član 32.

(Vršenje unutrašnje kontrole)

- (1) Unutrašnju kontrolu provođenja mjera zaštite od požara općenito vrše svi odgovorni organi i radnici, svako u svom djelokrugu rada, u skladu sa ovim Pravilnikom.
- (2) Neposrednu unutrašnju kontrolu provođenja mjera zaštite od požara vrši odgovorno lice za poslove zaštite od požara, kako je to dato kroz djelokrug rada, prava dužnosti i obaveze istog.

Član 33.

(Vršenje neposredne unutrašnje kontrole)

- (1) Prilikom vršenja unutrašnje kontrole provođenja mjera zaštite od požara obavezno se na licu mjesta, o nađenom stanju sastavlja pismena službena zabilješka ili odgovarajući zapisnik.
- (2) Lice koje vrši neposrednu unutrašnju kontrolu provođenja mjera zaštite od požara ovlašteno je da prema radnicima koji ne provode propisane mjere iz oblasti zaštite od požara, predloži pokretanje disciplinske odgovornosti.

9. MJESTA I PROSTORI U KOJIMA SE NE SMIJE PROIZVODITI, KORISTITI ILI PRENOSITI OTVORENA VATRA

Član 34.

(Način postupanja u slučaju nastanka požara)

Zabranjeno je pušiti u prostorijama koje nisu za to predviđene, te proizvoditi, koristiti i prenositi otvorenu vatru i užarene predmete.

10. DUŽNOSTI I NAČIN PONAŠANJA ZAPOSLENIH LICA U SLUČAJU POJAVE POŽARE

Član 35.

(Način postupanja u slučaju nastanka požara)

- (1) Svaki radnik koji primjeti požar, dužan je odmah bez panike pristupiti bez panike pristupiti njegovom gašenju i lokalizovanju istog, ako to može učiniti bez opasnosti za sebe ili druge radnike,, te istovremeno treba uzviknuti „POŽAR“ i uzbuniti ostale radnike u objektu ili prostorijama, koji priskaću u pomoć i gase požar.
- (2) Ako prisutni radnici nisu u stanju gasiti požar (potrebna je brza procjena situacije) dužni su izvršiti i dojavu požara neposrednom rukovodiocu, odnosno direktoru, te Profesionalnoj vatrogasnoj brigadi Kantona Sarajevo (u daljem tekstu: PVB KS).

Član 36.

(Dojava požara)

- (1) Dojava požara vrši se telefonom , odnosno na drugi najbrži način.
- (2) O požaru treba izvijestiti PVB KS, nadležni MUP i operativni centri civilne zaštite.
- (3) Kod dojava požara treba saopštiti: mjesto gdje je izbio požar, šta gori, u kom obimu i da li prijeti neposredna opasnost po život ljudi, i drugih objekata.

Član 37.

(Organizovanje gašenja nastalog požara)

Do dolaska vatrogasne jedinice na mjesto požara, prisutni radnici na čelu sa neposrednim rukovodiocem dužni su organizovati gašenje nastalog požara, posebno treba učiniti sljedeće:

- Organizovati spašavanje eventualno ugroženih radnika;
- Organizovati evakuaciju iz ugrožene zone: lako zapaljivih eksplozivnih, otrovnih i vatroopasnih materija od izuzetne vrijednosti, novca, tehničke i druge dokumentacije, te motornih vozila i opreme;
- Obezbijediti isključenje struje u objektu koji gori;
- Zatvoriti odgovarajuća vrata, prozore, ventilacione i druge otvore da se spriječi širenje požara;
- Obezbijediti na licu mjesta prisustvo odgovarajućih stručnih radnika (vozač, domar, itd.) koji mogu biti od koristi u akciji gašenja požara;
- Poduzeti i druge mjere zavisno od date situacije

Član 38.

(Uključivanje u akciju gašenja požara)

- (1) Svi radnici su dužni na poziv direktora ili lica koje on ovlasti aktivno se uključiti u akciju gašenja požara i spasavanja imovine i lica, i u toj akciji učestvovati sve dok ista traje.
- (2) Kada na mjesto požara stigne pozvana vatrogasna jedinica, njen komandir preuzima rukovođenje akcijom gašenja požara i niko nema pravo da se miješa u njegov rad.
- (3) Ostali elementi akcije gašenja i spašavanja imovine i lica regulišu sa Planom zaštite od požara objekata KJP "ZOI'84" OCS d.o.o. Sarajevo i Planom zaštite od požara općine u kojoj se predmetni objekat nalazi.

Član 39.

(Obaveza poznavanja signala uzbunjivanja)

Svaki radnik mora poznavati signale javnog uzbunjivanja u slučaju požara i druge opasnosti.

11. DISCIPLINSKA ODGOVORNOST ZA ZAPOSLENA LICA ZBOG NEPRIDRŽAVANJA PROPISANIH MJERA ZAŠTITE OD POŽARA

Član 40.

(Obaveza poštivanja odredbi Pravilnika)

Svaki radnik koji ne poštuje odredbe ovog Pravilnika pratećih uputstava, odredbe zakonskih i tehničkih propisa iz oblasti zaštite od požara, te ne sprovodi propisane mjere zaštite od požara, čini težu povredu radnih obaveza i dužnosti, za koju se može izreći odgovarajuća disciplinska mjera, shodno odgovarajućem opštem aktu.

Član 41.

(Prouzrokovanje materijalne štete)

Ako radnik u vršenju poslova i radnih zadataka, prouzrokuje materijalnu štetu svojom krivicom, a u vezi sa ne pridržavanjem propisanih mjera zaštite od požara. Dužan je istu nadoknaditi, kako je regulisano odgovarajućem opštem aktu.

Član 42.

(Teže povrede radne obaveze iz oblasti zaštite od požara)

- Izazivanje požara, namjerno ili iz nehata;
- Upotreba otvorene vatre i pušenja na zabranjenim mjestima, a naročito kod korištenja zapaljivih tečnosti ili gasova;

- Zloupotreba ili nenamjenska upotreba vatrogasnih aparata , sprava i opreme za gašenje požara, kao i njihovo namjerno oštećenje;
- Izbjegavanje ili odbijanje učešća u akcijama gašenja požara i spašavanja lica i imovine ugrožene požarom;
- Neprijavljivanje požara ili nepoduzimanje mjera za gašenje požara i spašavanja lica i imovine ugrožene požarom;
- Ometanje akcije gašenja požara i spašavanja radnika imaterijalnih dobara;
- Neisključivanje pogonske energije po završetku rada;
- Ostavljanje neočišćenog radnog mjesta po isteku radnog mjesta, što može imati teže posljedice za nastanak širenje požara;
- Zatvaranje ventilacionih otvora i neovlašteno isključenje sistema ventilacije;
- Neovlašteno blokiranje rada sigurnosnih i alarmnih uređaja;
- Zakrčavanje vanjskih i unutrašnjih požarnih i komunikacijskih puteva te prilaz do objekta, vatrogasnih sprava i opreme i baterije električne energije.
- Držanje lako zapaljivih tečnosti i boca tehničkih gasova u radnim prostorijama u količinama većim od dozvoljenih;
- Upotreba i držanje lako zapaljivih tečnosti i boca tehničkih gasova na zabranjenim mjestima;
- Neobavljanje periodičnih pregleda ispravnosti i funkcionalnosti sprava, opreme, aparata, uređaja i instalacija koji su u funkciji zaštite od požara;
- Nevršenje propisne kontrole sprovođenja propisanih mjera zaštite od požara;
- Ne obezbjeđenje objekata i radnih prostorija sa vatrogasnim aparatima i drugom opremom za gašenje požara;
- Nepristupanje obuci i provjeri znanja iz oblasti zaštite od požara.

III PRELAZNE I ZAVRŠNE ODREDBE

Član 43.

(Upotreba muškog i ženskog roda)

Izrazi koji su radi preglednosti dati u jednom gramatičkom rodu u ovom Pravilniku se bez diskriminacije odnose na oba spola.

Član 44.

(Primjena drugih propisa)

Na sva pitanja koja nisu regulisana ovim Pravilnikom primjenjivat će se odredbe važećih zakonskih i podzakonskih propisa koji tretiraju ovu oblast.



Član 45.
(Izmjene i dopune Pravilnika)

- (1) Izmjene i dopune ovog Pravilnika vrše se na način i u postupku predviđenom za njegovo donošenje.
- (2) Incijativu za pokretanje postupka za izmjene i dopune ovog Pravilnika mogu pokrenuti:
- Upravni odbor;
 - Direktor;
 - Odgovorno lice za poslove zaštite od požara.

Član 46.
(stupanje na snagu i početak primjene)

- (1) Pravilnik stupa na snagu i primjenjuje se danom donošenja, te će biti istaknut na vidno mjesto – oglasnu ploču i web stranicu KJP „ZOI'84“ OCS d.o.o. Sarajevo.
- (2) Stupanjem na snagu ovog Pravilnika prestaje da važi Pravilnik o zaštiti od požara KJP „ZOI'84“ OCS d.o.o. Sarajevo broj: 1437-3/23 od 21.03.2023. godine.

Datum: 30.04.2026. godine

Broj:1158-4/26

PREDSJEDNIK NADZORNOG ODBORA

Damir Maglajlić

